

## From where is Canaanites' dignity?

"مع كامل احترامي الك دكتور بس حياة الكرامة يلي عايش فيها بلبنان من دون ما تكون تحت الاستعمار هي من وري هيدي الفئة يلي عم تنتقدها ومش متقبل تعيش معها".

اهلن فيك يا احمد حمدالله سلامتك وانشالله ما صابك وعيلتك اي مكروه... وبشرّفني تبدي رأيك المحترم،

الحقيقة انت (وكتار، وللأسباب عديدة) ما بتعرفوا تاريخنا، وما بتعرفوا تاريخكن يلي سابق لل ١٩٨٢ لأن تم طمسه.

ما بعرف عن اي استعمار عمتحكي الا إذا قصدك الاحتلال الاسرائيلي،

بس نحنا عنا تاريخ مقاومة ضد جحافل سورية وفلسطينية، وحتى الشيعة أكلوا نصيبين من الاحتلال الفلسطيني للجنوب ووقفوا جنب الاسرائيليين لدى دخول الاخيرين بال ٧٨.

حتى نبيه بري قال مرة عالجزيرة من شي ٢٠ سنة: "عندما كان الجنوب بيد الاخوان الفلسطينيين".

وراح ٣٠٠٠ قتيل بين امل والفلسطينيين.

اي استعمار والخميني بنفسه اشترى سلاح بالمليارات من اسرائيل تيحارب صدام...

انتوا ما كبرتوا الا عالأحداث يلي صارت بعد ال ٩٠ وسمفونية العدو الصهيوني...

كرامتنا هي صمود ١٤٠٠ سنة قدام الدول الاسلامية المتعاقبة يلي جربت تمحيننا مرارًا وتكرارًا... والمذكورة اعلاه...

وصولًا لحرب ال ٧٥...

عنا بطاركة احرقوا... عنا اراضي طارت ومناطق كمان... والضاحية وين اهاليها من المسيحيين وكيف بطّلت مسيحية ومن هون خوفنا انو نضمحل... الموضوع طويل...

نحن ما منشوف الامور من زاويتكن... نحنا منشوف المحيط وحتى الداخل كمان استعمار علينا... مش بس الغرب...

ومن حب نكون متحررين من التنتين... ضمن الاطر السياسية المتاحة، وبعلاقة جيدة مع التنتين من الند للند...

ونحن من حب، ومن سامح، وانت شاهد عمحيتي هاك الايام، وانا بعزّك،

وإن كان ما منحكي كل شي دايمًا مشان ما نجرح شعورك بس الامور اعقد بكثير من الحقائق يلي ربيتوا عليها.

انا بحبك وما بلومك. لهيك كتير اوقات بكتفي بشعار الفدرالية والتقسيم بمعنى أنّ ناكل عنب وبلا ما نقعد نحط ايدينا بالجروحات... لهيك عمبقول مبروك للمعنيين، من كل قلبي...

عذرًا عصراحتي بس هيدا حديث عموم المسيحيين، بس بلبنان ما حدا بصارح حدا ولهيك ما حدا فهمان ع حدا ولهيك كلنا علقانين ببعض للأسف... من جديد، محبتي.

ملاحظات:

- (١) مش بس المسيحيين عاشوا مرتاحين بالجنوب وكانوا بجيش لحد، بس يبقى الهم:
- (٢) ما تفكر انو في مسيحي واحد بلبنان بهموا يكون تحت اي استعمار وخاصة الاسرائيلي.
- كل شي بتشوفه "قبول" باسرائيلي عند المسيحيين هوي بسبب الفظائع يلي صارت بحقه من قبل "اخوته".
- إذا مضطلع عالتاريخ بين ١٩٤٣ وال ٨٢ القصة واضحة. ونفس الشي ايام الصليبيين.
- ليش بدنا نقبل نكون تحت الجماعة؟ واكتفي بهذا القدر، ودير بالك ع حالك!